

卷九



書名 文章辨體五十卷 天順八年刊本
 撰者 明 吳訥 輯
 卷 卷九
 內容分類 集 總集 詩文
 索書號 集部 總集 47
 編號 D7914800

彩色首頁1

東洋文化研究所漢籍目錄 編號: D7914800
 東洋文化研究所漢籍目錄所藏漢籍善本全文影像資料庫 索書號: 集部 總集 47
 漢籍善本全文影像資料庫文本 文章辨體五十卷 天順八年刊本
 版權所有: 東京大學 東洋文化研究所
 使用上的注意事項

文章辨體卷之一

古歌謠辭

康衢謠

列子堯治天下五十年不知天下治歟不治歟億
 兆戴已歟不願戴已歟乃微服遊康衢聞兒童謠云
 我烝民莫匪爾極不識不知順帝之則

擊壤歌

逸士傳堯時有八九十老人擊壤而歌壤以木為
 之長三四寸先側一壤于地遙以手中壤擊中者
 為上

而作日入而息鑿井而飲耕田而食帝力於我何有哉
 南風詩

海虞後學吳訥編集



東方文化學院東京研究所
2043
No.



0 1 2 3 4 5 6 7 8 9 20 1 2 3 4 5 6 7 8 9 3



文章辨體卷之九

海虞後學吳訥編集

樂府四


相和歌辭

相和六引

古今樂錄曰張耒技錄相和有四引一曰箜篌二曰商引三曰徵引四曰羽引又曰古有六引其宮引角引二曲闕宋為箜篌引有辭三引有歌聲而辭不傳梁具五引有歌有辭凡相和其器有笙笛節歌琴瑟琵琶箏七種爾

箜篌引

一曰公無渡河崔豹古今註曰箜篌引者朝鮮津卒霍里子高妻麗玉所作也子高晨起刺船有一



白首狂夫被髮提壺亂流而渡其妻隨而止之不
及遂墮河而死於是援箜篌而歌聲甚悽愴尚終
亦投河而死子高還以語麗王麗王傷之乃引箜
篌而寫其聲聞者莫不墮淚飲泣麗王以其曲傳
鄰女麗容名曰箜篌引又有箜篌謠不詳所起大
畧言結交當有終始與此異也

公無渡河公竟渡河墮河而死當奈公河

擬作

唐李長吉

公乎公乎提壺將焉如屈平沉湘不足慕徐衍入海誠爲愚公
乎公乎牀有菅席盤有魚北里有賢兄東隣有小姑隴畝油油
黍與葫瓦甌濁醪蟻浮浮黍可食醪可飲公乎公乎其柰居被
髮奔流竟何如賢兄小姑哭嗚嗚

宮引

梁沈休文

晉書樂志曰五聲宮爲君宮之爲言中也中和之
道無往而不理焉商爲臣商之爲言疆也謂金性
之堅疆也角爲民角之爲言觸也謂象諸陽氣觸
物而生也徵爲事徵之爲言止也言物盛則止也
羽爲物羽之爲言舒也言陽氣將復萬物孳育而
舒生也是以聞宮聲使人溫良而寬大聞商聲使
人方廉而好義聞角聲使人惻隱而仁愛聞徵聲
使人樂養而好施聞羽聲使人恭儉而好禮隋書
樂志曰梁有相和五引三朝第一奏之唐書樂志
曰五郊迎氣各以月律而奏其音蓋因隋舊制云

八音資始君五聲興比和樂感百精優游律呂被咸英

商引

司秋紀兌奏西音激揚鍾石和琴瑟風流福被樂愔愔

角引

萌生觸發歲在春咸池始奏德尚仁恣憑以息和且均

徵引

執衡司事宅離方滔滔夏日火德昌八音備舉樂無疆

羽引

玄英紀運冬冰拆物為音本和且悅窮高測深長無絕

相和曲

古今樂錄曰張末元嘉技錄相和有十五曲一曰
氣出唱二曰精列三曰江南四曰度關山五曰東
光六曰十五七曰薤露八曰蒿里九曰觀歌十曰
對酒十一曰雞鳴十二曰烏生十三曰平陵東十
四曰東門十五曰陌上桑唯江南東光薤露雞鳴
烏生平陵東陌上桑並古辭餘多後人所擬也

江南

江南可採蓮蓮葉何田田魚戲蓮葉間

古辭

擬作

梁柳惲

汀洲採白蘋日落江南春洞庭有歸客瀟湘逢故人故人不
返春華復應晚不道新知樂只言行路遠

薤露

古辭

崔豹古今注曰薤露蒿里並喪歌本出田橫門人
言人命奄忽如薤上之露易晞滅也亦謂人死竟
魄歸於蒿里至漢武時李延年分為二曲薤露送
王公貴人蒿里送士大夫庶人後通謂之挽歌云
薤上露何易晞露晞明朝更復落人死一去何時歸

蒿里

古辭

蒿里誰家地聚歛魂魄無賢愚鬼伯一何相催促人命不得少

踟躕

擬作

魏繆熙伯

生時遊國都死沒弃中野朝發高堂上暮宿黃泉下白日入虞淵懸車息駟馬造化雖神明安能復存我形容稍歇滅齒髮行當墮自古皆有然誰能離此者

又

晉陸士衡

流離親友思惆悵神不泰素驂佇輜軒玄駟驚飛蓋哀鳴興殯宮迴遲悲野外冤輿寂無響但見冠與帶備物象平生長旌誰為旆悲風鼓行執傾雲結流藹振策指靈丘駕言從此逝

又

陶淵明

芳草何茫茫白楊亦蕭蕭嚴霜九月中送我出遠郊四面無人居高墳正嵯嶢鳥為動哀鳴林風自蕭條幽室一已閉千年不復朝千年不復朝賢達無奈何向來相送人各已歸其家親戚

或餘悲他人亦已歌死去何所道託體同山阿

又

有生必有死早終非命促昨暮同為人今旦在鬼錄魂氣散何之枯形寄空木嬌兒索父啼良友拊我哭得失不復知是非安能覺千秋萬歲後誰知榮與辱但恨在世時飲酒恒不足

對酒

樂府解題曰魏樂奏武帝所賦對酒歌太平其旨言王者德澤廣被致理人和萬物咸遂

對酒歌太平時吏不呼門王者賢且明宰相股肱皆忠良咸禮讓民無所爭訟三年耕有九年儲倉穀滿盈班白不負戴雨澤如此百穀用成却走馬以糞其土田爵公侯伯子男咸愛其民以黜陟幽明子養有若父與兄犯禮法輕重隨其刑路無拾遺之私囹圄空虛冬節不斷人耄耄皆得以命終恩澤廣及草木

昆蟲

雞鳴

古辭

樂府解題曰古辭初言天下太平次言置酒為樂終言桃傷而李什喻兄弟當相為表裏若後人所擬則但雞鳴而已

雞鳴高樹巔狗吠深宮中蕩子何所之天下方太平刑法非有貸柔協正亂名黃金為君門碧玉為軒堂上有雙樽酒作使邯鄲倡劉王碧青甓後出郭門王舍後有方池池中雙鴛鴦鴛鴦七十二羅列自成行鳴聲何啾啾聞我殿東廂兄弟四五人皆為侍中郎五日一時來觀者滿路傍黃金絡馬頭頰頰何煌煌桃生露井上李樹生桃侑蟲來齧桃根李樹代桃殭樹木身相代兄弟還相忘

烏生

一曰烏生八九子樂府解題曰古辭云烏母子本在南山巖石間而來為秦氏彈丸所殺白鹿在苑中人得以為脯黃鵠摩天鯉在深淵人得而烹煮之壽命各有定分也若後人所擬則但詠烏而已烏生八九子端坐秦氏桂樹間啾我秦氏家有遊遨蕩子工用睢陽疆蘇合彈左手持疆彈兩丸出入烏東西啾我一丸即發中烏身烏死魂魄飛揚上天阿母生烏子時乃在南山巖石間啾我人民安知烏子處蹊徑窈窕安從通白鹿乃在上林西苑中射工尚復得白鹿脯啾我黃鵠摩天極高飛後宮尚復得烹煮之鯉魚乃在洛水深淵中鈞鈞尚得鯉魚口啾我人民生各各有壽命死生何須復道前後

平陵東

古辭

崔豹古今注曰平陵東漢翟義門人所作也樂府

解題曰義丞相方進之少子字文仲為東郡太守
王莽篡漢舉兵誅之不克見害門人作歌以怨也
平陵東松柏不知何人劫義公劫義公在高堂下交錢百萬
兩走馬兩走馬亦誠難顧見追吏心中惻心中惻血出漉歸告
我家賣黃犢

陌上桑

古辭

一曰豔歌羅敷行崔豹古今注曰陌上桑者秦氏
女子名羅敷為邑人王仁妻仁後為趙王家令羅
敷採桑陌上趙王見而悅之因置酒欲奪焉羅敷
乃彈箏作陌上桑之歌以自明趙王乃止

日出東南隅照我秦氏樓秦氏有好女自名為羅敷羅敷意喬
桑採桑城南隅少年相怨怒但坐觀羅敷一解使君從南來五馬
立踟躕使君遣吏往問是誰家妹秦氏有好女自名為羅敷羅

敷年幾何二十尚不足十五頗有餘使君謝羅敷寧可共載不
羅敷前置辭使君一何愚使君自有婦羅敷自有夫一解東方千
餘騎夫婿居上頭何用識夫婿白馬從驪駒青絲繫馬尾黃金
絡馬頭腰中鹿盧劍可直千萬餘十五府小吏二十朝大夫三
十侍中郎四十專城居為人潔白皙鬢鬢頗有鬚盈盈公府步
冉冉府中趨坐中數千人皆言夫婿殊一解

擬作

唐李太白

美女渭橋東春還事蠶作五馬如飛龍青絲結金絡不知誰家
子調笑來相詐妾本秦羅敷王顏艷名都綠條映素手採桑向
城隅使君且不顧况復論秋胡寒蟬愛碧草鳴鳳棲青梧託心
自有處但怪笏人愚徒令白日暮高架空踟躕

吟歎曲

古今樂錄曰張永元嘉技錄有吟歎四曲一曰大

雅吟二曰王明君三曰楚妃歎四曰王子喬王明君楚妃歎並石崇辭王之喬古辭

王明君

晉石季倫

一曰王昭君唐書樂志曰明君漢曲也元帝時單于入朝詔以王嬙配之漢人憐其遠嫁爲作此歌我本漢家子將適單于庭辭訣未及終前驅已抗旌僕御涕流離轅馬悲且鳴衰鬢傷五內泣淚沾朱纓行行日已遠遂造匈奴城延我於穹廬加我闕氏名殊類非所安雖貴非所榮父子見陵辱對之慙且驚殺身良不易默默以苟生苟生亦何聊積思常債盈願假飛鴻翼棄之以遐征飛鴻不我顧佇立以屏營昔爲匣中玉今爲糞上英朝華不足嘉甘與秋草并傳語後世人遠嫁難爲情

又

宋歐陽永叔

漢宮有佳人天子初未識一朝隨漢使遠嫁單于國絕色天下無一失難再得雖能殺盡工於事竟何益耳目所及尚如此萬里安能制夷狄漢計誠已拙女色難自誇明妃去時淚灑向枝上花狂風日暮起飄泊落誰家紅顏勝人多薄命莫怨春風當自嗟

楚妃歎

晉石季倫

列女傳莊王以虞丘子爲賢樊姬笑之王問之曰妾克後宮十年所進九人賢於妾二人與妾同列七人虞丘子相楚十年未聞進賢退不肖妾笑不亦宜乎王乃以孫叔敖爲令尹治楚以霸

蕩蕩大楚跨土萬里北據方城南接交趾西撫巴漢東被海澨五侯九伯是疆是理矯矯莊王淵渟岳峙冕旒垂睛充纊塞耳韜光戢曜潛默恭已內委樊姬外任孫子猗猗樊姬體道履信

既絀虞丘九女是進杜絕邪佞廣啓令胤割歡抑寵居之不吝
不吝實難可謂知幾化自近始著於閨闈光佐霸業邁德揚威
群后列辟式瞻洪規譬彼江海百川咸歸萬邦作歌身沒名飛

王子喬

古辭

列仙傳子喬周靈王太子好吹笙作鳳鳴遊嵩高
三十餘年後乘白鶴駐山頭舉手謝時人而去

王子喬參駕白鹿雲中遨參駕白鹿雲中遨下遊來王子喬參
駕白鹿上至雲戲遊遨上建逋陰廣里踐近高結仙宮過謁三
台東遊四海五嶽山過蓬萊紫雲臺三王五帝不足令令我聖
朝應太平養民若子事父明當究天祿永康寧玉女羅坐吹笛
簫嗟行聖人遊八極鳴吐銜福翔殿側聖主享萬年悲吟皇帝
延壽命

平調曲

古今樂錄曰王僧虔宴樂技錄平調有七曲一曰
長歌行二曰短歌行三曰猛虎行四曰君子行五
曰燕歌行六曰從軍行七曰鞠歌行

長歌行

古辭

崔豹古今註曰長歌短歌言歌聲長短非言壽也
青青園中葵朝露待日晞陽春布德澤萬物生光輝常恐秋節
至焜黃華葉衰百川東到海何時復西歸少壯不努力老大徒
傷悲

短歌行

魏武帝

樂府解題曰短歌行魏武帝對酒當歌人生幾何
晉陸機置酒高堂悲歌臨觴皆言當及時為樂也
對酒當歌人生幾何譬如朝露去日苦多慨當以慷憂思難忘
何以解憂唯有杜康青青子衿悠悠我心呦呦鹿鳴食野之莩

我有嘉賓鼓瑟吹笙明明如月何時可輟憂從中來不可斷絕
越陌度阡枉用相存契濶談讌心念舊恩月明星稀烏鵲南飛
繞樹三匝何枝可依山不厭高海不厭深周公吐哺天下歸心

擬作

晉陸士衡

置酒高堂悲歌臨觴人生幾何逝如朝霜時無重至華不再揚
頰以春暉蘭以秋芳來日苦短去日苦長今我不樂蟋蟀在房
樂以會興悲以別章豈曰無感憂為子忘我酒既旨我有既臧
短歌可詠長夜無荒

猛虎行

古辭

飢不從猛虎食暮不從野雀棲野雀安無巢遊子為誰驕

擬作

陸士衡

渴不飲盜泉水熱不息惡木陰惡木豈無枝志士多苦心整駕
肅時命杖策將遠尋飢食猛虎窟寒棲野雀林日歸功未建時

懷俯仰愧古今
無懼經是亮節難為音人生誠未易曷云開此襟眷我耿介

懷俯仰愧古今

君子行

古辭

樂府解題曰古辭云君子防未然蓋言遠嫌疑也
君子防未然不處嫌疑間瓜田不納履李下不正冠嫂叔不親
授長幼不比肩勞謙得其柄和光甚獨難周公下白屋吐哺不
及餐一沐三握髮後世稱聖賢

燕歌行

魏文帝

樂府解題曰晉樂奏魏文帝秋風別曰二曲言時
序遷換行役不歸婦人怨曠無所訴也廣題曰燕
地名也言良人從役於燕而為此曲

秋風蕭瑟天氣涼草木搖落露為霜
解一羣鷓辭歸鵠南翔念右

客遊多思腸解二慊慊思歸戀故鄉君何淹留寄他方解三賤妾

燒守空房憂來思君不敢忘解四不覺淚下沾衣裳援瑟鳴弦發

清商解五短歌微吟不能長明月皎皎照我牀解六星漢西流夜未

央牽牛織女遙相望爾獨何辜限河梁解七

又

別日何易會日難山川悠遠路漫漫解一鬱陶思君未敢言寄書

浮雲往不還解二涕淚雨面毀形顏誰能懷憂獨不歎解三耿耿伏

枕不能眠披衣出戶步東西解四展詩清歌聊自寬樂往哀來摧

心肝悲風清厲秋氣寒羅帷徐動經秦軒解五仰戴星月觀雲間

飛鳥晨鳴聲氣可憐留連顧懷不自存解六

從軍行

王仲宣

樂府解題曰從軍行皆軍旅苦辛之辭

從軍有苦樂但問所從誰所從神且武焉得久勞師相公征關

石赫怒震天威一舉滅獯虜再舉服羗夷西收邊地賊忽苦俯

拾遺陳賞越丘山酒肉踰川坻軍中多飫饒人馬皆溢肥徒行

兼乘還空出有餘資拓地三千里往返一如飛歌舞入鄴城所

願獲無違晝日處大朝日暮薄言歸外參時明政內不廢家私

禽獸憚為犧良苗實已揮竊慕負鼎翁願厲朽鈍姿不能效沮

溺相隨把鋤犁熟覽夫子詩信知所言非

鞠歌行

晉陸士衡

古今樂錄曰王僧虔技錄平調又有鞠歌陸機序

曰按漢宮閣有含章鞠室靈芝鞠室後漢馬防第

宅卜臨道連閣通池鞠城鞠歌將謂此也

朝雲升應龍攀乘風遠遊騰雲端鼓鍾歌豈自歡急弦高張思

和彈持希值年夙愆循已雖易人知難王陽登貢公歡罕生既

沒國了歎嗟千載豈虛言邈矣遠念情愴然

擬作

洪武高季迪

玉蘊彩劔閃鋒牛鐸之音混黃鍾俾神奇作妄庸揚微察陋世
罕逢物有合執必從如魚得水雲與龍夷吾囚伊尹農二主與
之享萬鍾嗟古人孰繼踪女子猶為悅已容

清調曲

古今樂錄曰王僧虔技錄清調有六曲一苦寒行
二豫章行三董逃行四相逢狹路間行五塘上行
六秋胡行而古辭多不傳云

苦寒行

魏文帝

北上太行山艱哉何巍巍羊腸坂詰屈車輪為之摧對木何蕭
瑟北風聲正悲熊羆對我蹲虎豹夾路啼谿谷少人民雪落何
霏霏延頸長嘆息遠行多所懷我心何怫鬱思欲一東歸水深
橋梁絕中路正徘徊迷惑失故路薄暮無宿棲行行日已遠人

馬同時飢擔囊行取薪斧冰持作糜悲彼東山詩悠悠使我哀

前苦寒行

漢時長安雪一丈牛馬毛寒縮如蝟楚江巫峽冰入懷虎豹哀
號又堪記秦城老翁荆揚客慣習炎蒸歲締絡玄冥祝融氣或
交手持白羽未敢釋

去年白帝雪在山今年白帝雪在地凍埋蛟龍南浦縮寒刮肌
膚北風利楚人四時皆麻衣楚天萬里無晶輝三足之鳥足恐
斷羲和送將安所歸

後苦寒行

南紀巫廬瘴不絕太古已來無尺雪蠻夷長老怨苦寒崑崙天
關凍應折玄猿口噤不能嘯白鵠翅垂眼流血安得春泥補地
裂晚來江門失大木猛風中夜吹白屋天兵斷斬青海滅殺氣
南行動坤軸不爾苦寒何太酷巴東之峽生凌漸彼蒼迴軒人

得知

董逃行

古辭

崔豹古今注曰董逃歌後漢游童所作董卓作亂
 卒以逃亡後人習為歌章奏為傲戒辭與題不同
 吾欲上謁從高山山頭危嶮大難遙望五嶽端黃金為關班璘
 但見芝草葉落紛紛解一百鳥集來如烟山獸紛綸麟辟邪其端
 鷓鴣聲鳴但見山獸援戲相拘攀解二小復前行玉堂未心懷流
 還傳教出門來門外人何求所言欲從聖道求一得命延解三教
 敕几吏受言採取神藥若木端玉兔長跪擣藥蝦蟇丸奉上陛
 下一玉梓服此藥可得神仙解四服爾神藥莫不歡喜陛下長生
 老壽四面肅肅稽首天神擁護左右陛下長與天相保守解五

擬作

洪武高季迪

史侯稱臣董侯立山東義師烽火急兖兒夾輦奉西遷百姓驅

隨棄村邑草圭苑中高作營千里不復聞鷄鳴舊宮焚燒無片
 瓦黃金盡出諸陵下長安城頭日欲晡董逃歌殘歌布乎

相逢行

古辭

一曰相逢狹路間行一曰長安有狹斜行樂府解
 題曰古詞文意與鷄鳴曲同

相逢狹路間道隘不容車不知何少年夾轂問君家君家誠易
 知易知復難忘黃金為君門白玉為君堂堂上置樽酒作使邯
 鄲倡中庭生桂對華燈何煌煌兄弟兩三人中子為侍郎五日
 一來歸道上自生光黃金絡馬頭觀者盈道傍入門時左顧但
 見雙鴛鴦鴛鴦七十二羅列自成行音聲何嗶嗶鶴鳴東西廂
 大婦織綺羅中婦織流黃小婦無所為挾瑟上高堂丈人且安
 坐調絲方未央

長安有狹斜行

古辭

長安有狹斜狹斜不容車適逢兩少年挾轂問君家君家新市
傷易知復難忘大子二千石中子孝廉郎小子無官職衣冠仕
洛陽三子俱入室室中自生光大婦織綺紵中婦織流黃小婦
無所爲挾琴上高堂丈夫且徐徐調弦詎未央

塘上行

魏甄后

樂府解題曰晉樂奏魏武帝蒲生篇集錄言其辭
魏文帝甄后所作歎以讒訐見弃焉

蒲生我池中其葉何離離傍能行仁義莫若妾自知衆口鑠黃
金使君生別離念君去我時獨愁常苦悲想見君顏色感結傷
心脾念君常苦悲夜夜不能寐莫以豪賢故棄捐素所愛莫以
魚肉賤棄捐葱與薤莫以麻稟賤棄捐管與蒯出亦復苦愁入
亦復苦秋邊地多悲風樹木何條條從君致獨樂延年壽千秋

秋胡行

舊說魯秋胡納妻五日宦於陳五年乃歸未至家

於路傍見美婦人採桑悅之下車詣曰力田不如
逢豐年力桑不如見國卿今吾有金願與夫人婦
曰婦人採桑力作以養舅姑之奉人之人之金秋胡至
家奉金遺母母使人呼婦三三向採桑婦也婦惡
其行因東走投河而死後哀之而作焉若魏文
帝云堯任舜禹魏文帝云衣上散關山各言其事
俱題之曰秋胡行而不於秋胡事也嵇康之作亦然
堯任舜禹當復何爲百獸率舞鳳凰來儀得人則安失人則危
唯賢知賢人不易知歌以詠言誠不易移鳴條之役萬舉必全
明德通靈降福自天

擬作

晉傅休奕

秋胡納令室三日官他鄉皎皎潔婦安冷冷守室房燕婉不終

夕別如參與商憂來猶四海易感難可防人言生日短愁者苦
夜長百草揚春華攘腕採柔桑素手尋繁枝落葉不盈筐羅衣
翳王體回目流采章君子倦仕歸車馬如龍驤精誠馳萬里既
去兩相忘行人悅令顏借息此樹傍誘以逢卿喻遂下黃金裝
烈烈貞女忿言辭厲秋霜長驅及居室奉金升北堂毋立呼婦
來歡情樂未央秋胡見此婦惕然懷探湯負心豈不慚未誓非
所望清濁必異源鳧鳳不並翔引身赴長流果哉潔婦腸彼夫
既不淑此婦亦大剛

又

魏嵇叔夜

富貴尊榮憂患諒獨多富貴尊榮憂患諒獨多古人所懼豐屋
鄣家人害其上獸惡罔羅惟有貧賤可以無它歌以言之富貴

憂患多

貧賤易居貴盛難為工貧賤且居貴盛難為工耻佞直言與禍

曰連變故曰端伴吉作凶思牽黃犬其莫之從歌以言之貴盛

難為工

勞謙有悔忠信可久安勞謙有悔忠信可久安天道害盈好勝
者殘疆梁致災多招禍患欲得安樂獨有無愆歌以言之忠信
可久安

役神者弊極欲疾枯役神者弊極欲疾枯顏回短折不及童烏
縱體滌恣莫不早徂酒色何物今自不幸歌以言之酒色令人枯
絕智棄學遊心於玄默絕智棄學遊心於玄默過而悔當不自得
垂釣一壑樂一國被髮行歌和者四塞歌以言之遊心於玄默
思與王喬乘雲遊八極思與王喬乘雲遊八極凌厲五岳忽行萬
億授我神藥自生羽翼呼吸大和練形易色歌以言之行遊八極
徘徊鍾山息駕於層城徘徊鍾山息駕於層城上陰華蓋下采
若英受道王母遂升紫庭逍遙天衢千載長生歌以言之徘徊

於層城

瑟調曲

古今樂錄曰王僧虔技錄瑟調曲有善哉行隴西
 行折楊柳行西門行東門行東西門行却東西門
 行順東西門行飲馬行上留田行新城安樂宮行
 婦病行孤子生行放歌行大牆上蒿行野田黃鸝
 行釣竿行臨高臺行長安城西行武舍之中行鴈
 門太守行豔歌何嘗行豔歌福鍾行豔歌雙鴻行
 煌煌京洛行帝王所居行門有車馬客行墻上難
 用趨行日重光行蜀道難行權歌行有所思行蒲
 坂行採梨橘行白楊行胡無人行青龍行公無渡
 河行今多不傳

善哉行

樂府解題曰古辭云來日大難言人命不可保當
 見親友且求長年術與王喬八公遊焉

來日大難口燥唇乾今日相樂皆當喜歡解經歷名山芝草翻

翻仙人王喬奉藥一丸解自惜袖短內手知寒慙無靈輒以報

趙宣解月沒參橫北斗闌干親交在門飢不及食解歡日尚少

戚日苦多以何忘憂彈箏酒歌解淮南八公要道不煩參駕六

龍遊戲雲端解

擬作

魏文帝

上山採薇薄暮苦飢溪谷多風霜露沾衣解野雉羣雉狝候相

追還望故鄉鬱何壘壘解高山有岷林木有枝憂來無方人莫

之知解人生如寄多憂何爲今我不樂歲月其馳解湯湯川流

中有行舟隨波轉薄有似客遊解策我良馬被我輕裘載馳載

驅聊以忘憂解

折楊柳行

古辭

古今樂錄曰王僧虔技錄云折楊柳行歌文帝西
山古默默二篇今不歌

默默施行遺厥罰隨事來末喜殺龍逢桀放於鳴條解一祖伊言

不用紂頭懸白旄指鹿用為馬胡亥以喪軀解二夫差臨命絕乃

云負子胥戎王納女樂以亡其由余璧馬禍及號二國俱為墟

解三三夫成市虎慈母投杼趨卞和之刑足接輿歸草廬解四

擬作

魏文帝

西山一何高高高殊無極上有兩仙僮不飲亦不食與我一丸

藥光耀有五色解一服藥四五日身體生羽翼輕舉乘浮雲倏忽

行萬億流覽觀四海茫茫非所識解二彭祖稱七百悠悠安可原

老聃適西戎于今竟不還王喬假虛辭赤松垂空言解三達人識

真偽愚夫好妄傳追念往昔事憤憤千萬端百家多迂怪聖道

五所觀解四

東門行

古辭

樂府解題曰古辭言士有貧不安其居拔劍將去

妻子牽衣留之且曰今時清不可為非也

出東門不顧歸來入門悵欲悲盎中無斗儲還視桁上無懸衣

解一拔劍出門去兒女牽衣啼他家但願富貴賤妾與君共舖糜

解二共脯糜上用倉浪天故下為黃口小兒今時清廉難犯教言

君復自愛莫為非解三今時清廉難犯教言君復自愛莫為非行

吾去為遲平慎行望君歸解四

却東西門行

魏武帝

古今樂錄曰王僧虔技錄云却東西門行荀錄所

載武帝鴻鴈一篇今不傳

鴻鴈出塞北乃在無人鄉舉翅萬餘里行止自成行冬節食南

稻春日復北翔田中有轉蓬隨風遠飄揚長與故根絕萬歲不相當奈何此征夫安得去四方戎馬不解鞍鎧甲不離傍冉冉老將至何時返故鄉神龍藏深泉猛獸步高岡狐死歸首丘故鄉安可忘

飲馬長城窟行

古辭

一日飲馬行言征戍之客至於長城而飲其馬婦人思念其勤勞故作是也

青青河畔草綿綿思遠道遠道不可思宿昔夢見之夢見在我傍忽覺在他鄉他鄉各異縣展轉不相見枯桑知天風海水知天寒入門各自媚誰肯相為言客從遠方來遺我雙鯉魚呼兒烹鯉魚中有尺素書長跪讀素書書中竟何如上有加飡食下有長相憶

上留田行

古辭

崔豹古今注曰上留田地名也人有父母死不字其孤弟者隣人為作歌以風

里中有啼兒似類親父子回車問啼兒慷慨不可止

擬作

唐李太白

行至上留田孤墳何崢嶸積此萬古恨春草不復生悲風四邊來腸斷白揚聲借問誰家地埋沒萬里塋故老向余言言是上留田蓬科馬鬣今已平昔之弟死兄不葬他人於此舉銘旌一鳥死百鳥鳴一獸走百獸驚恒山之禽別離苦欲去廻翔不能征田氏倉卒骨肉分青天白日摧紫荆交柯之木本同形東枝顛賴西枝榮無心之物尚如此參商胡乃尋天兵孤竹延陵讓國揚名高風緬邈頽波激清尺布之謠塞耳不能聽

野田黃雀行

魏曹子建

置酒高殿上親交從我遊中厨辦豐膳烹羊宰肥牛秦箏何慷慨

慷齊瑟和且柔解陽阿奏竒舞京洛出名謳樂飲過三爵緩帶
傾庶羞主稱千金壽賓奉萬年酬解久要不可忘薄終義所允
謙謙君子德磬折欲何求盛時不再來百年忽我適解驚風飄
白日光景馳西流生仔華屋處零落歸山丘先民誰不死知命
復何憂解

門有車馬客行

晉陸士衡

門有車馬客駕言發故鄉念君久不歸濡跡涉江湘投袂赴門
塗攬衣不及裳拊膺搢客泣掩淚叙溫涼借問邦族間惻愴論
存亡親友多零落舊幽皆凋喪市朝互遷易城闕或丘荒墳壠
日月多松柏鬱茫茫天道信崇替人生安得長慷慨惟平生俛
仰獨悲傷

牆上難為題行

傅休奕

古今樂錄曰牆上行荀錄所載今不傳

門有車馬客駢服若騰飛革組結玉佩繁藻紛葳蕤馮軾垂長
纓顧盼有餘輝貧主屣弊履整比藍縷衣客曰嘉病乎正色意
無疑吐言若覆水搖舌不可追渭濱漁釣翁乃為周所諮顏回
處陋巷大聖稱庶幾苟富不知度千駟賤采薇季孫由儉顯管
仲病三歸夫差耽滌侈終為越所圍遺身外榮利然後享巍巍
迷者一何衆孔難知德希甚美致憔悴不如豚豕肥陽朱泣路
岐失道令人悲子貢欲自矜原憲知其非屈伸各異勢窮達不
同資夫唯體中庸先天天不違

日重光行

陸士衡

崔豹古今注曰日重光月重輪羣臣為漢明帝作
也明帝為太子樂人作歌詩四章以贊太子之德
日重光柰何天回薄日重光冉冉其遊如飛征日重光今我日
華華之盛日重光倏忽過亦安停日重光盛往衰亦必來日重

光譬如四時固恒相催日重光惟命有分可營日重光但惆悵才志日重光身沒之後無遺名

月重輪行

魏文帝

三辰垂光照臨四海煥哉何煌煌悠悠與天地久長愚見目前聖觀萬年明闇相絕何可勝言

蜀道難

梁簡文帝

樂府解題曰蜀道難備言銅梁玉壘之阻也建平督郵道魚復永安宮若奏巴渝曲時當君思中巫山七百里巴水三回曲笛聲下復高猿啼斷還續

擬作

唐李太白

噫吁噫危乎高哉蜀道之難難於上青天巒叢及魚鳧開國何茫然爾來四萬八百歲乃與秦塞通人煙西當太白有鳥道可橫絕峨眉巔地崩山摧壯士死然後天梯石棧方鈎連上有

六龍迴日之高標下有衝波逆折之迴川黃鶴之飛尚不得猿猴欲度愁攀綠青泥何盤盤百步九折縈巘巒捫參歷井仰脅息以手撫膺坐長歎聞君西遊何時還畏途巉巖不可攀但見悲鳥號枯木雄飛呼雌遊林間又聞子規啼夜月愁空山蜀道之難難於上青天使人聽此彫朱顏連峰去天不盈尺枯松倒挂倚絕壁飛湍瀑流爭喧豨砢嶮轉石萬壑雷其峻也若此嗟爾遠道之人胡為乎來哉劔閣崢嶸而崔嵬一夫當關萬夫莫開所守或匪親化為狼與豺朝避猛虎夕避長蛇磨牙吮血殺人如麻錦城雖云樂不如早還家蜀道之難難於上青天側身西望長咨嗟

權歌行

魏明帝

樂府解題曰晉樂奏魏明帝辭備言平吳之勲也王者布大化配乾稽后祗陽育則陰殺晷景應度移鮮文德以

時振武功伐不隨重華舞千戚有苗服從媯二蠢爾吳中虜憑
江樓山阻哀哉王士民瞻仰靡依三皇上悼愍斯宿昔奮天
怒發我故昌宮列舟于長浦四翌日乘波楊棹歌悲且涼太常
拂白日旗幟紛設張五將抗旄與鉞曜威於彼方伐罪以弔民
清我東南疆六

楚調曲

古今樂錄曰王僧虔技錄楚調曲有白頭吟行秦
山吟行梁甫吟行東武琵琶吟行怨詩行等曲

白頭吟

古辭

樂府解題云古辭云願得一心人白頭不相離言
良人有兩意故云

皚如山上雪皎若雲間月聞君有兩意故來相決絕一平生共
城中何嘗斗酒會今日斗酒會明且溝水頭蹀躞御溝上溝水

西流東亦有樵郭西亦有樵兩樵相推與無親為誰驕
三淒淒音淒淒嫁娶亦不啼願得一心人頭白不相離四竹竿
何嫋嫋魚尾何離徒男兒欲相知何用錢刀為五齒如馬噉其川
上高士嬉今日相對樂延年萬歲期五

梁甫吟

漢諸葛亮

謝希逸琴論曰諸葛亮作梁甫吟然不起於亮也
步出齊城門遙望蕩陰里里中有三墓累累正相似問是誰家
墓田疆古冶子力能排南山文能絕地紀一朝被讒言二桃殺
三士誰能為此謀國相齊晏子

東武吟行

晉陸士衡

通典云東武今高密諸城縣是也土風謳吟之曲
投跡短世間高步長生鬢漣髮三雲冠洗身被羽衣飢從韓衆
餐寒就佚女樓

擬作

鮑明遠

主人且莫誼賤子歌一言僕本寒鄉士出身蒙漢恩始隨張校尉召募到河源後逐李輕車追虜到塞垣密途巨萬里寧歲猶七奔肌力盡鞍甲心思歷涼温將軍既下世部曲亦罕存時事一朝異孤績誰復論少壯辭家去窮老還入門腰鎌刈葵藿倚杖牧鷄豚昔如講上鷹今似檻中猿徒結千載恨空負百年怨棄席思君幄疲馬戀君軒願垂晉主惠不愧田子冤

怨詩行

古辭

古今樂錄曰怨詩行歌明月照高樓一篇餘不傳天德悠且長人命一何促百年未幾時奄若風吹燭嘉賓難再遇人命不可續齊度遊四方名繫太山錄當溟盪中情遊心從所欲

擬作

魏曹子建

明月照高樓流光正徘徊上有愁思婦悲歡有餘哀借問歎者誰自云客子妻夫行踰十載賤妾常獨棲念君過於渴思君劇於飢君為高山栢妾為濁水泥北風行蕭蕭烈烈入吾耳心中念故人淚墮不能止沉浮各異路會合當何諧願作東北風吹我入君懷君懷常不開賤妾當何依恩情中道絕流止任東西我欲竟此曲此曲悲且長今日樂相樂別後莫相忘

怨歌行

漢班婕妤

王僧虔按錄曰婕妤失寵托紈扇以作歌云

新裂齊紈素鮮潔如霜雪為合歡扇團團似明月出入君懷袖動搖微風發常恐秋節至涼飈奪炎熱棄捐篋笥中恩情中道絕

擬作

魏曹子建

為君既不易為臣良獨難忠信事不顯乃有見疑患周公佐成
王金滕功不刊推心輔王室二叔反流言待罪居東國泣涕當
留連皇靈大動變震雷風且寒拔樹偃秋稼天威不可于素服
開金滕感悟求其端公旦事既顯成王乃哀歎吾欲竟此曲此
曲悲且長今日樂相樂別後莫相忘

班婕妤

晉陸士衡

樂府解題曰婕妤好美而能文成帝因幸趙飛燕姊
弟婕妤乃作賦自悼後人傷之為作詩也

婕妤去辭寵淹留終不見寄情在玉階託意唯團扇春苔暗
除秋草蕪高殿黃昏履綦絕愁來空雨面

玉階怨

齊謝朓

夕殿下珠簾流螢飛復息長夜縫羅衣思君此何極

又

齊虞炎

紫藤拂花樹黃鳥度青枝思君一歎息苦淚應言垂

清商曲辭

吳聲歌曲

子夜歌

古辭

落日出前門瞻矚見子度冶容多姿鬢秀香已盈路
年少當及時踟躕日就老若不信儂語但看霜下草
憐君好情懷移居作鄉里桐樹生門前出入見梧子

春歌

碧樓真初月羅綺乘新風含春未及歌桂酒發清容
昔別鴈集渚今還燕巢梁敢辭歲月久但使逢春陽

夏歌

含桃已中食贈我合歡扇深感同心意蘭室期相見
田蚕事已畢思婦猶苦身當暑理絺服持寄與行人

秋歌

風清覺時涼，明月天色高。佳人理寒服，萬結砧杵勞。
仰頭看桐樹，桐花特可憐。願天無霜雪，梧子解千年。

冬歌

昔別春草綠，今還墀雪盈。誰知相思老，玄鬢白髮生。
白雪停陰岡，丹華耀陽林。何必綵與竹，山水有清音。
果欲結金蘭，但看松柏林。經霜不墮地，歲寒無異心。

黃鵠曲

陶嬰

列女傳魯陶嬰，少寡魯人將求焉。嬰聞作歌，魯人不敢復求。樂府廣題曰黃鵠，本漢橫吹曲名。

黃鵠參天飛，半道鬱徘徊。腹中車輪轉，君知思憶誰。

黃鵠參天飛，半道還哀鳴。三年失群侶，生離傷人情。

黃鵠參天飛，疑融爭風回。高翔入玄闕，時復乘雲頽。

黃鵠參天飛，半道還復清。欲飛復不飛，悲鳴覓群侶。

神弦歌

古辭

- 古今樂錄曰神弦歌十一曲：一曰宿阿，二曰道君，三曰聖郎，四曰嬌女，五曰白石郎，六曰清溪小姑，七曰湖就姑，八曰姑恩，九曰採菱童，十曰明下童，十一曰同生存者不多。

嬌女詩

北遊臨河海，遙望中菰菱。芙蓉發盛華，淥水清且澄。弦歌奏聲節，髮髻有餘音。

蹀躞越橋上，河水東西流。上有神仙下，有西流魚行不獨自。三兩兩俱。

姑恩曲

古辭

若若山頭柏，冬夏葉不衰。獨當被天恩，枝葉芳歲穠。

採蓮童曲

泛舟採菱葉過摘芙蓉花扣機命童侶齊聲採蓮歌
東湖扶菰童西湖採菱菱不特歌作樂為持解愁思

同生曲

人生不滿百常懷千歲憂早知人命促秉燭夜行遊
歲月如流邁行已及素秋蟋蟀鳴空堂感懷令人憂

西曲歌

烏夜啼

古辭

唐書樂志曰宋臨川王義慶嘗得罪大懼伎妾夜

聞烏啼聲扣齋閣云應有赦明日果然因此作歌
辭家遠行去儂歡獨離居此日無啼音裂帛作還書

烏生如欲飛二飛各自去生離無安心夜啼至天曙

莫愁樂

古辭

唐書樂志曰石城女子名莫愁善歌謠因有此歌

莫愁在我處莫愁石城西艇子打兩槳催送莫愁來

估客樂

古今樂錄曰齊武帝布衣時嘗遊梁鄧後追憶往

事而作此歌

昔經樊鄧役阻潮梅根渚感憶追往事意滿辭不叙

襄陽樂

古辭

古今樂錄曰宋隨王誕為襄陽郡夜聞諸女歌謠

因作之

爛熳女蘿草結曲繞長松三春雖同色歲寒非處儂
女蘿自微薄寄託長松表何惜負霜死貴得相纏繞

江陵樂

古辭

陽春二三月相將蹋百草逢人駐步看揚聲皆言好

江南曲

古今樂錄曰梁武帝改西曲製江南弄等曲

江南弄

衆花雜色浦上林舒芳耀綵垂輕陰連手踈躑舞春心
臨歲映衆人望獨踟躕

採蓮曲

遊戲五湖採蓮歸發花田葉芳襲衣爲君儂歌世所希
有如王江南弄採蓮曲

採菱曲

鶩舫馳桂浦息棹偃椒潭簫弄澄湘北菱歌清漢南

陽春曲

芣苢生前逕含桃落小園春心自搖蕩百舌更多言

文章辨體卷之九

文章辨體卷之十

海虞後學吳訥編集

詩

古詩一

四言

諷諫詩

漢韋孟

孟爲楚元王傳至元王孫王戊荒淫不道作詩諷
諫云

肅肅我祖國自來韋黼衣朱黻四牡龍旂彤弓斯征撫寧遐荒
總齊群邦以翼大商迭彼大彭勲績惟先至于有周歷世會同
王赧聽譖寔絕我邦我邦既絕厥政斯逸賞罰之行非由王室
庶尹群后靡扶靡衛五服崩離宗周以墜我祖斯微遷于彭城
在予小子勤咲厥生阨此嫚秦耒耜斯耕悠悠嫚秦上天不寧